

生宮心反善仁人長壽修行二十四年身得神仙但佩此文亦得尸解轉輪神仙國土北方及冬三月有災欲使北鄉安鎮當朱書黑石上置北方五日災自滅凶逆自消北方自宿善瑞日昌地穢發泄金玉靈形天人歌詠國富民豐書文佩身萬災消亡壽同天地福祿光亨所向所求莫不利貞子孫昌盛世出賢明元始施安靈寶五帝鎮宮宅上法以施於上學好道之士不行凡庶奉此法師弟子對齋九日以上金玉兩五帝紋錄五匹以誓五老上帝舉盟五嶽而受文然後以佩身施安所住如法將招大福於自然度凶厄於窮年安國寧家享祚無窮也

元始五老赤書玉篇真文天書經卷上

三十四

元始五老赤書玉篇真文天書經卷中 三
太上洞玄靈寶召伏蛟龍虎豹山精八威策文與元始玉篇真文同出於赤天之中挺自然之運表明太玄之靈象開三圖以通真演五行於玄府運四氣以應神鎮玉篇以固劫保地於元根命靈策以制魔吐神祝以退震施八威以正度嘯五帝以召龍是故關機乘之以不傾五嶽保之以長存山河得之而不淪人神受之而無窮
太上大道君受之於
元始天尊賞錄於上三天玄都紫微上宮依玄科四萬劫六天氣消真道當行有其人依科以傳三天太上召伏蛟龍虎豹山精八威策文此是赤精受天然後其文明於南丹洞靈梓林之下



某年某月某日靈寶赤帝某君佩元始上三天太上大道君制六天總地八威策文召天


下神攝地東靈封山呼雲制河上龍承師某帝某元始之章



某州郡縣鄉里洞玄弟子某嶽先生文某嶽道士某本命某辰年若干歲某月生太歲某子某月朔某日子謹於某氣天中請太上靈寶八威策文

三牒文太上所傳黃帝合封為策以出俯仰之式


九天太素陽生符元始付太上丈人其文在赤書後劫見日官之陽



玄都紫微宮舊格丹書白素方五寸清齋百日入室思日精舍而吞之與日同壽天地俱存思靈念真形自能飛存濁炁於口符即出而死也一名生真券一名八威龍書文吞此

符後生為男身


三天太玄陰生符元始以付太上大道君其文在赤書後二劫見月之上館



玄都紫微宮舊格黑書黃繒方五寸清齋百日入室思月精舍而吞之與月同壽道士欲尸解者黑書木刀斂把而卧即為代人形而死矣行此宜精他念穢濁于口符即出身即死此符一名化形券一名九陰靈書男人吞此符後化為女子

此二符陰陽二氣日月之精自不精身苦志慎輕服御惟清齋合式即能無窮

九天玉真長安神飛符出元始青明上光氣復赤書四劫見於三天北元玉闕之上



玄都紫微上宮舊格朱書白素上以佩身履

大陽九六百六劫之交洪災三會佩之千妻不加身過水火之難得見太平為聖君種民其文今封南霍石碩四萬劫一出三天真生神符出元始通景玄光氣後赤書五劫見於玄都玉京上館



玄都紫微上宮舊格黑書黃繒上以佩身履小陽九小百六劫之交萬災四充佩之千害不加身過萬厲之中得見太平為聖君種民今封北單廣靈洞室石碩之中四萬劫一出

二符太上大道君受於元始天尊以傳西王母元始五老始生五帝天元分度

東方九炁青天有九九元運關周迴三十二覆晝夜三十日天炁一交一十二交為一度三百三十度諸天炁王於木青帝用事寅卯之年青帝真人下世教化太山度九人以補仙官其方某年木稼豐熟災不行兵火

息止三千三百度青炁勃黃炁否陽數之九九者天之極謂小陽九六天炁上百宮受會謂小百六此天炁勃於火宮巳午之年疫炁流行五穀豐而無食民九千九百度青炁激黃炁食陽數九九謂大陽九六天炁返百官收炁謂大百六此天炁激於金宮申酉之年未稼摧折兵病並行疫炁彌天人獸得過萬中遺一其時當有青帝神人乘青龍齋符命太山制天炁得佩此符則免此災

南方三炁丹天運關三百三十度諸天炁王於火赤帝用事巳午之年赤帝真人下世教化霍山度三人以補仙官其方某年豐熟國安民風三千三百度赤炁勃白炁否此則赤帝小陽九小百六天炁勃於土宮辰戌丑未之年四炁驅除兵災流行土中生火金玉自然天下焦枯九千九百度赤炁激白炁食此赤帝大陽九六百六天炁激於水宮亥子之年大精絕滅萬里無煙洪災至天人獸得過萬中遺一其時當有大鳥東南而飛赤帝神人乘朱鳳齋符命霍山制天炁得佩此文則

究此災

中央一炁黃天運關三百三十度諸天炁王
 於土黃帝用事辰戌丑未之年黃帝真人下
 世教化嵩高山度十二人以補仙官其年中
 國大豐四方安半三千三百度黃炁勃黑炁
 否此則黃帝小陽九小百六天炁勃於金官
 申酉之年土霧障天晝夜不別七年而解障
 悉行人獸疫死三分遺一九千九百度黃炁
 激黑炁食此黃帝大陽九六百六天炁激於
 木宮寅卯之年九土崩陷民無立踵萬疫驅
 除萬無遺一其時當有黃帝神人乘黃龍齋
 符命中獄制天炁得佩此文則免此災
 西方七炁素天運關三百三十度諸天炁王
 於金白帝用事申酉之年白帝真人下世教
 化華山度七人以補仙官其方其年豐熟國
 土安人民盛三千三百度白炁勃青炁否此
 則白帝小陽九小百六天炁勃於水宮亥子
 之年金玉化消橫尸填於江海人民相噴濺
 成血川九千九百度白氣激青炁食此白帝
 大陽九六百六天炁激於大宮巳午之年金

石自消兵災驅除人獸滅種其時當有白帝
 神人乘白龍或乘白虎齋符命華山制天炁
 得佩此文則免此災

此方五炁玄天運關三百三十度諸天炁王
 於水黑帝用事亥子之年黑帝真人下世教
 化恒山度五人以補仙官其方其年五穀豐
 熟禾不種自生兵不與人民安三千三百度
 黑炁勃赤炁否此則黑帝小陽九小百六天
 炁勃於木宮寅卯之年禾稼傷死五穀大貴
 水涌河決洪水流天人民飄尸骨血分離九
 千九百度黑炁激赤炁食此黑帝大陽九大
 百六天炁激於土宮辰戌丑未之年江河枯
 竭海底生塵人民鳥獸焦死無遺其時當有
 黑帝神人乘玄龍齋符命恒山制天炁得佩
 此文則免此災

五方運關三十二覆九千九百度周五方之
 炁皆上運元始青陽之炁迴轉靈寶玄都玉
 山中關周迴諸天日月星宿十空之外九億
 九萬九千九百九十九度天炁反一劫之災
 天地萬生山川江海金石人民一時化消當

此之時天地改易條款之間非所如何有佩
 靈寶玉文乃可即得更生始分之中正如睡
 眠之頃爾自非此文莫能致之


陽炁則轉天關陰炁則轉地機九河之口水
 之盈縮皆應天分度會亦如之故陽數之九
 謂之陽九陰數之八謂之八災天地運度人
 亦同之靈寶玄都玉山處於上天之中七寶
 之樹垂覆八方有十方至真尊神妙行真人
 朝衛靈文於玉山之中飛空步虛誦詠洞章
 旋行玉山一匝諸天稱喜五億五萬五千五
 百五十五億重道五億五萬五千五百五十
 五億萬無數數至真大神當靈寶齋之日
 莫不稽首遙唱玉音諸天伎樂百千萬種同
 會雲庭當此之時真樂乎哉

天地大劫之欲交諸天至真尊神妙行真人
 下遊五嶽遙觀天下至學之人洪流滔天皆
 以五龍迎之上登福堂令得與元始同沒同
 生也
 東方九炁青天下元小陽九小百六出靈寶
 青帝下元符命下東嶽制九炁青天分度出

此文以度學者人身其文九千年一出東嶽
五帝符並作
五方色書之




東方安寶華林青靈始老帝君出下元符命




小陽九巳小百六午其年大災驅除此文
固天炁安國有種民度陽九百六之會青書
白縉

東方九炁青天中元大陽九六百六出靈寶
青帝中元符命下東嶽制天分度學者身其
文九千年一出



大陽九申大百六酉其年天災激林木木椽

一時消滅驅除兆民出此文以固天炁安鎮
存國以度種人大災出青書白縉
東方九炁青天上元大劫之周天地改易出
靈寶青帝上元符命下東嶽以固青天元始
之炁其文九千年一出



大劫交周天地改易金玉山海人民鳥獸一
時消滅天地溟滓無復光明以此文故固天
元始之炁佩之皆即得化生始分之中刻書
金札以佩身


南方三炁丹天下元小陽九小百六出靈寶
赤帝下元符命下南嶽制三炁丹天分度出
此文以度學者人身其文九千年一出南嶽



南方梵寶昌陽丹靈真老帝君出赤帝下元
符命


小陽九辰戌小百六丑未其年土中生火金
玉自然天下樵燒萬民自死出此下元符固
天炁權此災度陽九百六之會赤書黑縉
南方三炁丹天中元大陽九六百六出靈寶
赤帝中元符命下南嶽以固赤天分度學
者身其文九千年一出


大陽九亥大百六子其年火精消滅萬里無
煙洪水四出天災蕩民中元出此文固天炁
權此災赤書黑縉



南方三炁丹天上元大劫之周天地改易出
靈寶赤帝上元符命下南嶽以固赤天元始
之炁其文九千年一出

大陽九申大百六酉其年天災激林木木椽






大劫交周天地改易金玉山海人民鳥獸一
特消滅天地溟滓無復光明以此文固天元
始之炁佩之皆即得化生始分之中刻書金
札以佩身

中央一炁黃天下元小陽九小百六出靈寶
黃帝下元符命下中嶽制一炁黃天分度出
此文以度學者人身其文九千年一出中嶽



中央玉寶元靈元老帝君出下元符命



小陽九申小百六酉其年土下出霧障氣障
天晝夜不分七年除民出此下元符固天炁

據此災度陽九百六之會黃書青縉
中央一炁黃天中元大陽九大百六出靈寶
黃帝中元符命下中嶽制天分度度學者身
九千年一出



大陽九寅大百六卯其年山岡丘壘土地陷
沒民無立踵中元出此文固地炁據此災黃
書青縉


中央一炁黃天上元大劫之周天地改易出
靈寶黃帝上元符命下中嶽以固黃天元始
之炁其文九千年一出




大劫交周天地改易金玉山海人民鳥獸萬
物一時消滅天地溟滓無復光明以此文固

天元始之炁佩之即得化生始分之中刻書
金札以佩身

西方七炁素天下元小陽九小百六出靈寶
白帝下元符命下西嶽制七炁素天分度此
文以度學者人身其文九千年一出西嶽




西方七寶金門皓靈皇老帝君出下元符命



小陽九亥小百六十其年金玉化消人民水
居飄尸洪流血為海川出此下元符固天炁
據此災度陽九百六之會白書赤縉


西方七炁素天中元大陽九大百六出靈寶
白帝中元符命下西嶽制天分度度學者身
其文九千年一出






大陽九巳大百六午其年金石自消矣災湯
民中元出此文固天烝穰此災白書赤繒
西方七烝素天上元大劫之災天地改易出

靈寶白帝上元符命下西嶽以固白天元始
之烝其文九千年一出



大劫交周天地改易金山海人民鳥獸萬
物一時消滅天地溟津無復光明以此文固
天元始之烝佩之即得化生始分之中刻書
金札以佩身

北方五烝玄天下元小陽九小百六出靈寶
黑帝下元符命下北嶽制五烝玄天分度出
此文以度學者人身其文九千年一出北嶽




北方洞陰朔單鬱絕五靈玄老帝君出下元
符命




小陽九寅小百六卯其年洪水四出水災連
天人人民流散死者無遺出此下元符固天烝
穰此災度陽九百六之會黑書黃繒

北方五烝玄天大陽九六百六出靈寶黑帝
中元符命下北嶽制天分度度學者身其文
九千年一出



大陽九辰戌大百六丑未其年天地枯旱江
海竭乾海底揚塵人民焦死萬無遺一中元
出此文固天烝以穰此災黑書黃繒
北方五烝玄天上元大劫之交天地改易出
靈寶黑帝上元符命下北嶽以固玄天元始
之烝其文九千年一出



大劫交周天地改易金山海人民鳥獸萬
物一時消滅天地溟津無復光明以此文固
天元始之烝佩之即得化生始分之中刻書
金札以佩身

元始五老三元玉符與靈寶玉篇真文大劫
小劫符命同出太玄都玉京山紫微上官此
文固天三元之烝以穰大小陽九大小百六
大小劫會之災度學者之身玄都宿有金名
皆得見此文佩之得免大災為聖君種民皆
白日昇天上朝玄都上官功德未備即得尸
解轉輪成仙隨運沉浮與真結緣

元始靈寶五老尊神諸天帝皇妙行真人常
以正月三月五月七月九月十一月一歲六
會於太上三天靈都宮元陽紫微之臺集
天元推校運度諸天各下天帝太乙使者日
月星宿三部三官考君五嶽四瀆河海大神
周行天下糾察功過擇種人當此之月天

下地上莫不振肅執齋持戒尊奉天真學者以其月隨科修齋功記三官五帝列名上天六年尅得拜謁太上七祖皆昇福堂神靈佑護萬災不干

元始五老赤書玉篇真文天書經卷中

元始五老赤書玉篇真文天書經卷下 壹

元始靈寶西北天大聖眾至真尊神无極大道上帝真皇老人常以月一日上會靈寶玄都西北玉山紫微上官奉齋朝天文校地上人鬼功過其日初北斗下與三官考召四部

刺姦周行天下糾察兆民條列善惡輕重上言其日有奉修齋直不犯科律三官除罪列名玄都萬神衛護得為種民犯惡為非移名地官

元始靈寶北天大聖眾至真尊神无極大道

太上老君靈寶妙行真人常以月八日上會靈寶玄都北上天陰元臺奉齋朝天文校地上兆民簿錄年命算籍其日初北斗司殺鬼下與八極司隸周行天下司殺善惡功過輕重列言其日犯惡為非移付地官執心奉齋不犯科律三官削除罪名三天記上仙錄

告下天神地祇待衛營護萬災不干

元始靈寶東北天大聖眾至真尊神妙行真人无極大道太上萬度萬生神皇上玄老元靈老君常以月十四日上會靈寶玄都玉山

道陽青微宮奉齋朝天文校天下學道年月功過及鬼神之事其日初太乙使者下與北鄩都伯使者周行天地司察人神功過深淺列言上官有修齋立德即勒錄九天記名仙籍鬼神隨功進秩人鬼有犯移還鬼府

元始靈寶東天大聖眾至真尊神太清玄元

上三天无極大道無上玄老太上老君太上丈人皇上老君皇上丈人青靈上真天帝君天帝丈人太帝君太帝丈人九老仙都君九氣丈人百千萬萬重道氣千二百官君太清玉

陛下東極老人青華大神上相司馬青童金闕後聖帝君真陽始青神人靈寶九仙君等青和玉女主仙玉郎常以月十五日上會靈寶太玄都玉山青華玉陛官奉齋朝天文共集校定學仙人名功過深淺其日天帝自下

天帝自下者日月星宿天上天下地上地下五嶽四瀆河海神靈莫不倏然俱下周行諸天地上察校學士兆民功過輕重列言青宮其日修齋奉戒則五帝保舉上言東華生死為仙勒下三界神靈侍衛千災不干有犯科